



აკაკი წერეთლის სახელმწიფო უნივერსიტეტი

საზოგადოებრივ მეცნიერებათა ფაკულტეტი

დამატებითი (minor) პროგრამა

ისტორია

1. პროგრამის სტრუქტურა

№	კურსი	სკ	ლ./პრ./ს/ლავ.	კრედიტთა რაოდენობა	სემესტრები						
					III	IV	V	VI	VII	VIII	
1	საქართველოს ისტორია (უმჯ. დრ. მე-12 ს.ს)	4	3.1.0.0	5	5						
2	საქართველოს ისტორია (მე-13-15ს.ს.)	3	2.1.0.0	5		5					
3	საქართველოს ისტორია (მე-16-18ს.ს.)	3	2.1.0.0	5			5				
4	საქართველოს ისტორია (1801-1917წ.წ.)	3	2.1.0.0	5				5			
5	საქართველოს ისტორია (1918-2000წ.წ.)	3	2.1.0.0	5					5		
6	ძველი აღმოსავლეთისა და ანტიკური ქვეყნების ისტორია	4	3.1.0.0	5	5						
7	შუა საუკუნეების ისტორია (I)	3	2.1.0.0	5		5					
8	შუა საუკუნეების ისტორია (I)	3	2.1.0.0	5			5				
9	ახალი ისტორია (I)	3	2.1.0.0	5				5			
10	ახალი ისტორია (I I)	3	2.1.0.0	5					5		
11	უახლესი ისტორია (I)	3	2.1.0.0	5							5
12	უახლესი ისტორია (II)	3	2.1.0.0	5							5
სულ				60	10	10	10	10	10	10	10

გამოყენებულ შემოკლებათა განმარტება: სკ - საათი კვირაში; ლ/პ/ს/ლავ. - ლექცია/პრაქტიკული/სემინარი/ლაბორატორიული.

2. პროგრამით გათვალისწინებული კურსების მოკლე ანოტაციები.

კურსის კოდი: SHB0400

საქართველოს ისტორია (უძველესი დროიდან მე-12 სს) (5 კრედიტი)

კურსი მოიცავს შემდეგ თემებს: ისტორია- როგორც მეცნიერება; საქართველოს ისტორია, როგორც მსოფლიო ისტორიის შემადგენელი ნაწილი; საქართველოს ისტორიის პერიოდიზაციის პრობლემატიკა; საქართველოს ისტორიის ძირითადი წყაროები და ისტორიოგრაფია; საქართველოს ბუნებრივ- გეოგრაფიული გარემო და ზოგადი ისტორიულ- გეოგრაფიული დახასიათება; საქართველო და გარესამყარო; უძველესი ადამიანის წარმოშობის პრობლემა და საქართველო; "დმანისელი ადამიანი" პირველი ევრაზიელი."დიდი კოლხური" კულტურა. მეფე აიეტი. ეგრის-კოლხეთის სახელმწიფო ძვ. წ. VI-III საუკუნეებში; ქართლის სამეფოს წარმოშობა ძვ. წ. IV-III საუკუნეებში, მეფე ფარნავაზი; ქრისტიანობის წარმოშობა და მისი გავრცელება საქართველოში, ვახტანგ გორგასალის ეპოქა, არაბობა საქართველოში, ახალი ქართული პოლიტიკური ერთეულების წარმოშობა.

საქართველო XI საუკუნეში (გიორგი I, ბაგრატ IV, გიორგი II), საქართველო-ბიზანტიის ურთიერთობები XI საუკუნეში, ჯვაროსნული ლაშქრობები და საქართველო, საქართველო დავით IV აღმაშენებლისა და მისი მემკვიდრეების ეპოქაში, მეფე თამარი

კურსის კოდი: SHB0060

საქართველოს ისტორია XIII-XV სს. (5 კრედიტი)

კურსი მოიცავს შემდეგ თემებს: გიორგი IV ლაშა, მონღოლთა ბატონობის ხანა საქართველოში, გიორგი V ბრწყინვალე- საქართველოს ერთიანობის აღდგენა და მონღოლთა ბატონობის დასასრული, თემურ-ლენგის ლაშქრობები საქართველოში, საქართველო XV საუკუნის II ნახევარში- ერთანი სამეფოს დაშლა სამეფო-სამთავროებად.

კურსის შესწავლის წინაპირობაა შემდეგი კურსის ათვისება: საქართველოს ისტორია (უძველესი დროიდან მე-12 სს)

კურსის კოდი: SHB0410

საქართველოს ისტორია XVI- XVIII (5 კრედიტი)

კურსი მოიცავს შემდეგ თემებს: ქართლის სამეფო დარბაზის 1490 წლის დადგენილება. საქართველო და საერთაშორისო ურთიერთობები მე-16 საუკუნის I-ნახევარში. ქართული პოლიტიკური ერთეულები მე-16 საუკუნის II- ნახევარში და ახლო აღმოსავლეთის ისლამური სამყარო. ირან-ოსმალეთის ზავები XVI- XVII სს. და საქართველო. აღმოსავლეთ საქართველო მუსულმანი მმართველების ხანაში.

რუსეთ-საქართველოს ურთიერთობები მე-18 საუკუნის I- მეოთხედში. ერეკლე II -სა და თეიმურაზ II -ის გამეფება ქართლ-კახეთში. დასავლეთ საქართველოს პოლიტიკური ერთეულები მე-18 საუკუნეში. ირან-საქართველოს ურთიერთობები მე-18 საუკუნის II ნახევარში. გეორგიევსკის ტრაქტატი. კრწანისის ტრაგედია. საქართველო მე-18-19 სს. მიჯნაზე.

კურსის შესწავლის წინაპირობაა შემდეგი კურსის ათვისება: საქართველოს ისტორია XIII-XV სს.

კურსის კოდი: SHB0270

საქართველოს ისტორია (1801-1917წ.წ.) (5 კრედიტი)

კურსი მოიცავს შემდეგ თემებს: მე-19 საუკუნის საქართველოს ისტორიის წყაროები და ისტორიოგრაფია; ქართველი ერის ბრძოლა რუსეთის ხელისუფლების წინააღმდეგ მე-19 საუკუნეში და მისი ეტაპები; ცვლილებები საქართველოს სოციალურ და ეკონომიკურ ცხოვრებაში; რუსეთის ბატონობის განმტკიცება ამიერკავკასიაში, საქართველოს ისტორიული ტერიტორიების შემოერთება; გლეხთა ბრძოლა ბატონყმობის წინააღმდეგ და საგლეხო რეფორმის გატარება; რუსეთის I ბურჟუაზიულ-დემოკრატიული რევოლუცია და საქართველო; პოლიტიკური პარტიების ჩამოყალიბება, მათი პროგრამები და ტაქტიკა; I მსოფლიო ომი და საომარი ოპერაციები კავკასიის ფრონტზე; 1917 წლის თებერვლის რევოლუცია და ცარიზმის დამხობა; მიერ საქართველოს დაპყრობა.

კურსის შესწავლის წინაპირობაა შემდეგი კურსის ათვისება: საქართველოს ისტორია XVI- XVIII.

კურსის კოდი: SHB0280

საქართველოს ისტორია (1918-2000წ.წ.) (5 კრედიტი)

კურსი მოიცავს შემდეგ თემებს: საქართველოს დამოუკიდებლობის აღდგენა; დემოკრატიული რესპუბლიკის(1918-1921წწ.) საშინაო და საგარეო პოლიტიკა; საქართველო-რუსეთის 1921წლის თებერვალ-მარტის ომი და საბჭოთა რუსეთის აგრესია საქართველოში. საქართველო 1921-39 წლებში. II მსოფლიო ომი და საქართველო. საქართველო 1945-88 წლებში. დამოუკიდებლობის აღდგენა და მე-20 საუკუნის 90-იანი წლების მოვლენები საქართველოში.

კურსის შესწავლის წინაპირობაა შემდეგი კურსის ათვისება: საქართველოს ისტორია (1801-1917წ.წ.)

კურსის კოდი: SWB0760

ძველი აღმოსავლეთისა და ანტიკური ქვეყნების ისტორია (5 კრედიტი)

კურსი მოიცავს შემდეგ თემებს: ძველი აღმოსავლეთის ისტორიის საგანი, ქრონოლოგიური და გეოგრაფიული ჩარჩოები. ძველი აღმოსავლეთის ისტორიის წყაროები. ძველი აღმოსავლეთის ისტორიის სოციალურ-ეკონომიკური ხასიათი. ძველი ეგვიპტის ისტორიის წყაროები, არქაული და ძველი სამეფოს ეგვიპტე. ახალი და გვიანი სამეფოს ეგვიპტე. ძველი შუამდინარეთი. შუმერები და აქადელები. ძველი ბაბილონი, ხამურაბის ეპოქა. ხეთების სახელმწიფო; ძველი პალესტინა. ძველი ასურეთი; ურარტუს სახელმწიფო; აქემენიდური ირანი, კიროს დიდი. დარიოს დიდი და მისი რეფორმები. ქალდეური ბაბილონი. ლიდის სახელმწიფო ;ძველი ინდოეთი, უძველესი ცივილიზაციები ინდოეთის ტერიტორიაზე.

საბერძნეთის წყაროები და ისტორიოგრაფია. კრეტა-მიკენის ეპოქა.ჰომეროსის ეპოქის საზოგადოება. დიდი ბერძნული კოლონიზაცია. სოლონის რეფორმები. პისისტრატეს ტირანია და კლისთენეს რეფორმები. ბერძენ-სპარსელთა ომიანობა. პერიკლე და ათენეს მონათმფლობელური დემოკრატია. პელოპონესის ომი. მაკედონია, ფილიპე II. ალექსანდრე მაკედონელის აღმოსავლური ლაშქრობები. ელინიზმი და ელინისტური სახელმწიფოები. ძველი რომის ისტორიის წყაროები და ისტორიოგრაფია. რომის დაარსების საკითხი, მეფე რომში. რესპუბლიკის დამყარება რომში, ადრეული რესპუბლიკა.პუნიკური ომები; რომი და ელინისტური სახელმწიფოები.მმები გრაკუსების რეფორმები. მარიუსი და მისი სამხედრო რეფორმა. სულას დიქტატურა. მონათა აჯანყებები რომის რესპუბლიკის ხანაში. გაიუს იულის კეისარი. სამოქალაქო ომი კეისარსა და პომპიუსს შორის. ოქტავიანე ავგუსტუსი, პრინციპატის დამყარება. რომის იმპერია, პრინციპატი.რომის იმპერია, დომინატი.

კურსის კოდი: SWB0560

შუა საუკუნეების ისტორია (I) (5 კრედიტი)

კურსი მოიცავს შემდეგ თემებს: შუა საუკუნეების ქრონოლოგიური ჩარჩოები და ფეოდალიზმის არსის გაგება, წყაროები შუა საუკუნეების ისტორიაში, დასავლეთ ევროპა ანტიკურობისა და შუა საუკუნეების მიჯნაზე, კრიზისი რომის იმპერიაში, ბიზანტიის წარმოშობა, იუსტინიანე დიდი, ძველი გერმანელები, ხალხთა დიდი გადასახლებანი, ბარბაროსული სამეფოები რომის იმპერიის ტერიტორიაზე, ფეოდალიზმის განვითარება ფრანკთა სახელმწიფოში, საფრანგეთი IX-XI, გერმანია. იტალია და პაპობა IX-XI, ინგლისი IX-XI, შუა საუკუნეების ქალაქების წარმოშობა, ჯვაროსანთა ლაშქრობანი, გერმანია. იტალია და პაპობა XII-XIII, ინგლისი XII-XIII, საფრანგეთი XII-XIII, ასწლიანი ომი, ინგლისი და საფრანგეთი ასწლიანი ომის შემდეგ, გერმანია. იტალია და პაპობა XIII-XV,ესაპანეთი და პორტუგალია XI-XV საუკუნეებში, დასავლეთ ევროპის ქვეყნების შუა საუკუნეობრივი კულტურა V-XIII, ადრინდელი აღორძინება და ჰუმანიზმი იტალიაში.

კურსის შესწავლის წინაპირობაა შემდეგი კურსის ათვისება: ძველი აღმოსავლეთისა და ანტიკური ქვეყნების ისტორია.

კურსის კოდი: SWB0550

შუა საუკუნეების ისტორია (II) (5 კრედიტი)

კურსი მოიცავს შემდეგ თემებს: ევროპა გვიანდელ შუა საუკუნეებში, კაპიტალისტურ ურთიერთობათა წარმოშობა დასავლეთ ევროპის ქვეყნებში, დიდი გეოგრაფიული აღმოჩენები და კოლონიალური სისტემის წარმოშობა, გერმანია რეფორმაციისა და გლეხთა დიდი ომის ეპოქაში, რეფორმაცია შვეიცარიაში,

კონტრეფორმაცია, იტალია XVI საუკუნესა და XVII საუკუნის პირველ ნახევარში, ინგლისი XVI საუკუნეში, საფრანგეთი XVI საუკუნესა და XVII საუკუნის პირველ ნახევარში, ესპანეთი XVI საუკუნესა და XVII საუკუნის პირველ ნახევარში, ნიდერლანდების ბურჟუაზიული რევოლუცია. ჰოლანდია XVI საუკუნის ბოლოსა და XVII საუკუნის დასაწყისში, გერმანია აუგსბურგის ზავის შემდეგ; ოცდაათწლიანი ომი.
კურსის შესწავლის წინაპირობაა შემდეგი კურსის ათვისება: შუა საუკუნეების ისტორია (I)

კურსის კოდი: SWB0030

ახალი ისტორია 1 (5 კრედიტი)

კურსი მოიცავს შემდეგ თემებს: ახალი დროის ისტორიის საგანი, ისტორიული შინაარსი და პერიოდიზაციის სადისკუსიო პრობლემები; ინგლისის ბურჟუაზიული რევოლუცია XVIII ს. შუახანებში; სტიუარტების რესტავრაცია და 1688-89 წწ. გადატრიალება; ინგლისის ჩრდილოამერიკული კოლონიების ბრძოლა დამოუკიდებლობისათვის და აშშ შექმნა; საფრანგეთის დიდი ბურჟუაზიული რევოლუცია; დირექტორია და კონსულობა საფრანგეთში; საფრანგეთის პირველი იმპერია; ვენის კონგრესი და საღვთო კავშირის შექმნა.

კურსის შესწავლის წინაპირობაა შემდეგი კურსის ათვისება: შუა საუკუნეების ისტორია(II)

კურსის კოდი: SWB0020

ახალი ისტორია 2 (5 კრედიტი)

კურსი მოიცავს შემდეგ თემებს: საფრანგეთი 1815-1870წწ; ინგლისი 1815-1870წწ; გერმანია 1815-1870წწ; იტალია 1815-1870წწ; ავსტრია 1815-1870წწ; აშშ 1815-1860წწ; „ვენის სისტემა“ და მისი კრახი; 1848-1849წწ. რევოლუციები საფრანგეთში, გერმანიაში, იტალიასა და ავსტრიაში; სამოქალაქო ომი აშშ-ში და რესტავრაციის პერიოდი; საფრანგეთი, ინგლისი, გერმანია, იტალია, ავსტრია და აშშ 1870-1914წწ; საერთაშორისო ურთიერთობა 1870-1914წწ; პირველი მსოფლიო ომი.

კურსის შესწავლის წინაპირობაა შემდეგი კურსის ათვისება: ახალი ისტორია (I)

კურსის კოდი: SWB0530

უახლესი ისტორია (I) 1918-1945 (5 კრედიტი)

კურსი მოიცავს შემდეგ თემებს: ვერსალ-ვაშინგტონის სისტემა, გადმოცემულია პირველი მსოფლიო ომის შემდგომი ბრძოლა ახალი საერთაშორისო ურთიერთობებისა და წესრიგისათვის: განხილულია ისეთი ქვეყნების ისტორიული განვითარების ძირითადი მომენტები, როგორცაა გერმანია, ინგლისი, საფრანგეთი, იტალია, აშშ 1918-1939 წლებში, ნაციონალ-სოციალიზმი, იტალიური ფაშიზმი, ევროპის წამყვანი ქვეყნების და აშშ განვითარების ძირითადი ეტაპი ომებს შორის პერიოდში და მეორე მსოფლიო ომი, დიდი ყურადღება ეთმობა ისეთი ახალი ფენომენის გააზრებას მსოფლიო-ისტორიული მოვლენების ფონზე ცალკეულ ქვეყნებთან მიმართებაში, როგორც იყო კომუნისტური ტოტალიტარიზმი.

კურსის შესწავლის წინაპირობაა შემდეგი კურსის ათვისება: ახალი ისტორიის I და II ნაწილი

კურსის კოდი: SWB0520

უახლესი ისტორია (II) 1945-დღემდე (5 კრედიტი)

კურსი მოიცავს შემდეგ თემებს: ბრძოლა მსოფლიოში ჰეგემონობისათვის ორ ბლოკურ სისტემას შორის, ცივი ომი „ახალი წესრიგის“ საკითხები, დასავლეთ ევროპის ქვეყნების და აშშ განვითარება. სსრკ დეზინტეგრაცია, ახალი ათასწლეულის პრობლემები და გამოწვევები. ცალკე თემებადაა წარმოდგენილი გერმანიის პრობლემა და ორი გერმანული სახელმწიფოს მეორე გაერთიანება გფრ, დიდი ბრიტანეთი, აშშ, საფრანგეთი, იტალია.

კურსის შესწავლის წინაპირობაა შემდეგი კურსის ათვისება: უახლესი ისტორიის I ნაწილი